

Մինչև 1980-ական թվականները ավանի ակումբը գործել է այժմյան երաժշտական դպրոցի շենքում (1-ին հարկում): Ակումբի վարիչն էր Արթուր Խինգաթյանը: 1982 թվականին Արթուր Խինգաթյանին փոխարինել է Սիրանուշ Կոզյանը, և ակումբը տեղափոխվել է ավանային խորհրդի շենքի սենյակներից մեկը: Գործել են ասմունքի, երգի, ժողգործիքների, թատերականի խմբակներ:

1990 թվականին ԵԲԿ N 10 գործարանի կառուցած ճաշարանի շենքը տրամադրվեց մշակույթի պալատին: Տնօրեն նշանակվեց Մանուկ Մանուկյանը: Շատ կարճ ժամանակամիջոցում ձեռք բերվեց անհրաժեշտ գույք, երաժշտական գործիքներ, տեխնիկա, բեմական հագուստ: Մանուկ Մանուկյանին փոխարինեց Մանվել Մանուկյանը, ապա ժամանակավոր Ռուբիկ Առաքելյանը:

1993 թվականից տնօրենի աշխատանքը շարունակեց Սիրանուշ Կոզյանը:

1994 թվականից մինչև 1998 թվականը Բյուրեղավանի մշակույթի տանը աշխատել է Աբովյանի շրջանային մշակույթի տունը՝ տնօրեն Արտուշ Պետրոսյան: Այդ ժամանակաշրջանում աշխատեցին 30-ից ավելի վճարովի և անվճար խմբեր: Հրավիրվեցին մասնագետներ կիրառական արվեստի, պարային, ժողգործիքների, թատերական և բուժքույրական խմբերում աշխատելու համար: Եվ հենց 90-ականներին էր, որ ձևավորվեց պարուսույց Արմեն Կոստանդյանի ղեկավարած «Բյուրեղ» պարախումբը, որը բազում բեմերում իր գեղեցիկ պարերով մրցանակների է արժանացել:

Հետագայում հանրապետության սոցիալական պայմանների անկումը իր ազդեցությունը թողեց նաև արվեստի բոլոր բնագավառների վրա:

1998 թվականին շրջանային կուլտուրայի տան լուծարումից հետո սկսվեց ճգնաժամային շրջան. պակասեց պետական ֆինանսավորումը, բնակչության սոցիալական վիճակով պայմանավորված՝ սակավացան նաև վճարովի խմբակներ հաճախողները: Սակայն օրախնդիր հարց էր մշակույթի տանը ժողովրդական պարերի համույթ ունենալը:

Չնայած բոլոր դժվարություններին՝ 2000 թվականին կրկին վերականգնվեցին նախկինում լուծարված խմբակներից մի քանիսը, սկսեց նոր «Բյուրեղ» պարախումբի հավաքագրումը: Պահանջվեց 2 տարի և պարային խումբի անունը կրկին սկսեց հնչել տարբեր բեմահարթակներից:

Մշակույթի տան թատերախումբը նույնպես բազմաթիվ անգամ փայլուն ու տպավորիչ ելույթներ է ունեցել քաղաքի բնակչության համար:

2003 թվականի նոյեմբերին մշակույթի տան տնօրեն նշանակվեց Եղիշե Ավետիսյանը, Գեղմասվար՝ Ալվարդ Ավագյան:

{jcomments off}